

عبد الحميد طير البر

حبيب الروح

رباعيات

الطبعة الاولى في سبتمبر 2019



(رباعيات)

حبيب الروح

بطاقة الكتاب

عنوان المؤلف	حبيب الروح
المؤلف	عبد الحميد طير البر
التصنيف	رباعيات
رقم الإيداع القانوني	2019 - 16962
الترقيم الدولي	978-977-6726-71-0
عدد الصفحات	102 صفحة
رقم الإصدار الداخلي	486 الطبعة الأولى سبتمبر 2019
المقاس	20X14
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار
نشر طبع ونشر وتوزيع الكتاب الا بموافقة كتابية وموثقة من
المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة
ناجى عبد المنعم



مؤسسة
النيل والفرات
للطبع والنشر والتوزيع
أسسها الناقد ناجى عبد المنعم
حزق 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 فاكس: 020554372901

البريد الإلكتروني: nagyegy200064@gmail.com alnilewaalfourat@gmail.com
البريد الإلكتروني: alnilewaalfourat@gmail.com

(المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنترال 13 - عقار 304)

(إيضاح) أو ملخص

هذا الديوان مجموعات من الرباعيات بالعامية كل مجموعة منها اتفقت على عنوان يدل عليها محققا وحدثها في نفس الوقت كل منها لها معنى تام وحافظت كل رباعيه على قواعد الرباعية فنجد المربع الكامل والمربع الأعرج والموال البغدادي

و ذكرنا في الديوان خلجات النفس البشرية في المواقف المتباينة فجد الغزل العفيف والشوق للحبيب والأرق والسعد من الهجر وتجد الروح الوطنية في رباعيات للشهيد ولمصر الغالية حماها الله على مر العصور وكذلك لم نغفل النواحي الدينية فكان له نصيب عظيم في فكرنا وأرواحنا وعقيدتنا وكل ذلك بعامية دواوين الحكومة إن جاز التعبير وذلك بعد الرجوع إلى ما يسمى (الدوبيت) وأصله فارسي وهو مكون من كلمتين دو ومعناها 2 بالفارسية وبيت وهي عربيته وهو نمط شعري مستحدث أخرجنا من قوالب الخليل بن احمد في الوزن

وكذلك الرباعيات التي ظهرت في القرن الثاني الهجري مثل بشار بن برد 165هـ ، حماد أجرد 261هـ ، منظومة ابن دريد 324هـ

التي سماها (المربعة) وهي قصيدة طويلة وحدثها أربعة أبيات ومجموعها 116 شطره

وبداخل الديوان مجموعة من الرباعيات المستقلة وكذلك بعض الدوبيت الثلاثي وبعض السداسيات مرورا بفن الواو المنطوق مثل المكتوب مع الاحتفاظ بجوهر فن الواو اجتهدنا كي تنطلق قصيدة الرباعيات قدر استطاعتنا والله الموفق .

حبيب الروح

أحبك يا سما روحى
يا بلسم شافى لجروحى
أحبك ؛ كالسما الصافيه
وأعشق روحك الدافيه !

لسان صامت، وعين بتبوح
وشايفك أنت؛ روح الروح
وبين الناس، ضاحك راقص
وقلبي من العذاب مجروح

أنا شايفك ؛ شعاع نجمه
تنور ، ماتلاقيش عتمه
تخذنى فى طريق النور
أعيش جوا ؛ نغم مسحور !

وأبعد ، وانت جـوايا
تعذب روحى شكـوايا
عشان حبك ، بلا نهـايه
يا أحلى نجمه فى سمايا !

ياتوعم روجى يا منايا
روحك ساكنه هنا معايا
ولو تبعد ، أموت مخنوق
وتدبحنى لياالى الشوق

أنا وأقلبى نروح برضاك
على نجمه ؛ شايפהا هناك
قالت هاتها ؛ تعيش جواك
بقالها سنين بتستتناك

عينيك بتقول : بتهوانى
ومن بُعدك ؛ أنا بعانى
بنادي ، والنجمة سمعانى
وبدر الليل ؛ شاهد تانى

قالت : قلبى،أنا ، مجروح
وما ضيّا ؛ ملان بجروح
وكان غادر ، ودابح الروح
ومن جرحه، ما زال النوح

أنا خايفه ؛ أروح مشوار
وأمشى ، والعذاب جبار
ولسته ما انطفتش النار
وقلبنى فى اللهيب دوار

حرام أنى أشـئـل ذنبه
طريق الغدر، بات جنبه
لا نسأل فيه و لا نعاتبه
ننهي ننسى كمان شكله

تعالى بحر الفرح نروح
وأسلم في أيديك الروح
تاخذنا هناك سفينة نوح
ونداوى سوا المجروح

بحر الخيال

ياورده نادية كيف احوالك
عاشق وامتي تفتحي بابك
القلب داب وهام ف رحابك
نورك غاب الليل بقى حالك

بهجة وخفة الدم عنوانك
الزهر بيميل قدام اعتابك
دبل من الحزن ف غيابك
وسال دمعته على شيباكك

انت رميتي على شيباكك
قلبك فتح ولا لساك ساكك
ناديت عليه اتاريه شابك
ومربوطه روعي بأسلاكك

جواه غرام مش على بالك
سايقه الدلال ليه مالك
يا نجمه راعى بقى احبابك
العمر لو مر هيدبل جمالك

تتقفل ابواب كانوا سمارك
وكانوا بيتباهوا بجوارك
ما حد منهم هيدق لك بابك
دا قلبى سعه ف إسعادك

مر عليا جمال وبجد فائك
حاولوا كتير قلبى ما سابك
بحر الخيال مربوط بحبالك
روحي متضفره بشريائك

انا ضميرى نضيف سالك
لا بتاع مطاوى ولا كزالك
ما بعرف اسرح وقلبي كذلك
كل نبضه بحياتك أشارك

طيفك يمر مع أفراخ فالك
لو أمر الفراق اكون هالك
هضيع عمرى يسعد احوالك
و تعالى انا جهزت فستانك

فستان مرسوم على قوامك
وانا طالب القرب بوصالك
أحط ايدى ف ايد كريم جابك
يا اخت القمر ادعى أحبابك

أصيل صاحب خسيس

يا عم ياللى ف بالى ما تلم كتا كيتك
خلاص عرفنا حفظنا كل حواديتك
انا اللى شلتك على كتفى ووديتك
لحد جوا البيت ونيمتك وغطيتك

جبت شعاع الشمس حضنته ودفيتك
من نجوم الليل عملت سبحة واديتك
عملت من روحى بليتشو وسليتك
من عين الحسود جوا عينى خبيتك

عايش معايا الفرح، عمرى ما بكيتك
عملت كوكتيل سعادته بالود وسقيتك
و داريت حزني عنك ولا غميتك
زرعت ورد بدون أشواك بغيطك

وجبت روح المسك، وبألطر رشيتك
جتنى وانا محتاج حرمت نفسى وإديتك
طالنى المرض سبتنى وقفلت باب بيتك
وأنا فى ضعفك بروحى وقلبنى قويتك

وَأَنْتَ كُنْتَ عَامِلٌ سَبْعَ وَنَافِثَ رَيْشِكَ
وَتَقُولُ لِي: أَنْتَ أَخَوِيَا وَوَاعِلُ عَيْشِكَ
هَرَبْتَ يَا نَدْلُ، لَمَّا قَمْتُ وَنَادَيْتُكَ
مَا أَسَالُ غَيْرَ اللَّهِ، يَأْخُذُ حَقِّي بِتَشْتِيَتِكَ

حلم صبايا

أنت أول حرف في حروف الكلام
وأنت أول خطوه في سكة أمان
إنت عايش جوه قلبي من زمان
لما قابلتك عرفت أيه هو الحنان

لما تبعد، ييجي طيفك بالـمـنام
والفؤاد يفضل في حيره مش تمام
ليه بتسمع اللي بيزور كـلام
كلهم يتمنوا، نفضل في الخصام!

أنت مقدوري، وحلمي، والسلام
أنت مخلوق، لأجل حبي بالتمام
السؤال لعينيك، لو غبت تمام؟!
إنت مخلوق لي، غير كدا حرام!!

بحبك، وان كنت بكذب كان بيان
بيان برعشة إيديا ف السلام
بص لعيني قولها: تقدم بيان
بكل خطوه لي حتى في المنام



لسه فاكر هي قالت إيه زمان
هو يا إنت، وما في لغيرك مكان
ليه تضيع منا السنين في أو هام
بخصام وعتاب وعذاب وملام

واحنا نقدر نبني جنبه بالحنان
أصل قلبي بحر للحب ؛ انسجام
داري عليه وزود في الكتمان
كل غيران أو حسود قلبه جبان

وكانه الحب الصادق باحترام
سبقنا عشاق كثير داقوا الحرمان
سمعوا كلام الحاقدين بدأ الخصام
لما طال الهجر بيهم قالوا خان

هو حافظ عهد الهوى كما الألحان
لكن، خصامنا رقه وطبعه حنان
يعنى يا حبيبي زوبعه ف فنجان
إحنا أتئين دوبنا بالهوى من زمان

جوله فى زمن

زمن غريب قولى السبب
دا معاه الحق وبينضرب
اللى بيضرب أصل العجب
واطى وكمان قليل الأدب

ما فى حد يهتم بالأدب
ولا حد يقرأ اللى إنكتب
واللى بيكتب كمان كذب
يا صاحبنى على مين العتب

مجهود غيره وإليه نسب
وبالنفاق عاش واكتسب
ما تقولى إزاي عقلك حسب
عملك بميزان بيتحسب

مسئول مكنته مسك نهب
ذنبيه اكبر من أبو لـهـب
تشرب وعطشان ما شرب
وأصلا حقه اللى إتشرب

زعلان أنا منكم يا عرب
أهلى بالقدس فى غضب
من المسئليه جارى الهرب
فاعل مرفوع هو نصب

نار بقلبي وأنا الحطب
الحر معزول دا فيه جرب
نصب فوقه كاسات الغضب
دا علشان من الحق أقترب

من ضعف فينا الظلم ركب
إبنى الشهيد دمه إنسكب
على تراب أرضى وكتب
روحي فدى أمة العرب

موجه خدتي

موجه هاديه سما صافيه
والشط رايق والقلب خالي
جاتني الحورية بصت شويه
جوه عينيه، تاه عنى بالى

أعد النجوم، أنساك يا نوم
أبدأ بقى ف سهر الليالي
روحي راحت ما بين الغيوم
و فرشت رمله قعدت قبالي

جات نسمة عدت عندي وهدت
شميت عبيرها إحتواني
حسيت بسهم ما بين ضلوعي
سلمت روحي لها ف ثواني

دُبت بعينيها أيه جرى لي
شفتها كثير في منامي
من زمان ساكنه في خيالي
أحلي صدفه لقيتها قدامى

ارتضيت تسكن في قلبي
حالي أصبح مش هو حالي
ميت في هواك طالب الوصال
برقه: قالت ما تروح لخالي

حياتي هو

أحلف إنني سعيد متهني
بس الخوف ليزيد همي
أصل بحبه بكل كياني
وحبيب قلبي جوا بدمي

قلبي يقول لي متحير؟!
قلت بخاف يا خد مني!
وبعد ما يبقى هو حياتي
ييجي زماني يبعده عني!؟

لما يمر في لحظه طيفه
يرقص قلبي، روي تغني
قلبي يجرى بلهفه عليه
روي كمان تجرى تسبقني

أنا من حقي أتمسك بيه!
رقة قلب ولطفه شاغلني
مهما أتعذب فيه بهواه
خدني يا حب كمان قربني

ساعة معه بعمرى بحاله
لما يغيب مين ح يصبرنى؟!
قال النوم هجرنى أيه ماله
قلت: كان عندي و سهرنى

حنان الحب اللي مجمعنا
شغل قلوبنا وجاني أمرنى
بالود نصون جوانا هوانا
و بداري ليه ب تحيرنى

سهرت كم ليل أناديك

ولا نسمه تحن تكلمنى
أنا نفسي وحياة عينيك
من هواك بهواك ترحمنى

عتر المكان

بتسأليني: ازاي بشوفك
وانت بعيد بغير المكان

كل نسمة بتقول حروفك
بقي عطرك سحر الجنان

دايما بشوفك لما غصن
يميل على غصن بحنان
كمان بأشوفك لما أشم
عطر عبيرك زي زمان

لما موجه تضم موجك
في حضن دافي وانسجام
إيدي تحضن كف إيدك
وروحى دايبه فى السلام

لما أشوف حد ييقطف
زهرة حلوه من البستان
لما روحى تروح تهفف
عند روحك كايين و كان

لما افتكر خوفى عليكى
ليشفونا تانى الجيران
ولما أبعت البدر ليكى
وراح يقولك: أنا سهران

يابدر أشهد انا حيران
وحشتيني أسالي الأيام
مشتاق لعترك خد المكان
محтар بيسأل إمتى الألوان

كل خطوه كانت إنسجام
قلب الطريق باعت سلام
طول الليل سهران ما ينام
طالت الغربه تعال قوام

عاشق ترابك

عاشق يا بلدى لترايك الأسمـر
يشرب من النيل أعشقه أكثر
على كتفي أحمل زرعك الأخضر
ترقص سنابل من الذهب الاصفر

خضره و دار عندى حمام أشقر
وقمح مع تين وتفاحك الأحمر
نسمة هواكى عطرها العنبر
وناس صابرين بكل شئ أمهر

أجدادنا كانوا دائما هم الأشهر
بنوا و عمروا وعلمهم أمـر
خش على الأهرام إكتشف أكثر
أسرار حضارة كانت هى الأبهـر

أبهر العالمين بن عبس عنتر
رفع سلاحه وهو راكب الأبحر
قطز وببيرس من التتار أشطر
وبعين جالوت الرمل صار أحمر

جيش الأعدى قدمهم إدمر
هو فيه غازى عبر التاريخ عمر
إنهض يا شباب النيل يا أسمى
بهمه يا اولادى للخير راح نقدر

كفايه قوم واترك بقى السرير
دور ونقب وننسى زمن التبرير
اوعى تقول إقتصادنا فقير
دول يا ما يا بطل كانت أفقر

لامواد خام ولا سواحل لهم تذكر
ما عندهم قصب أوصدروا سكر
صنعوا سياحه يا مصرى فكر
بالعزم والعمل والإيمان تكبر

سيناء تنادى هات إيدىك وشمر
بكل قوتك ادخل وغير المنظر
جبال رخام شق الجبال كسر
حارب الفساد خلى سيناء تتعمر

هواه جوايا

غمضت عيني عشان ألقاك
أسافر بروحي وأبقى معك
جواك هواي بروحي هواك
أتولد بقلبي و كبر جواك

أنت في عيوني أحلى ملاك
بأمانة زهور خدك على خدي
الشهد مكتوب منبعه شفقتك
تعالى قبل العمر ما يعدي

تبعنا سنين العذاب بهواك
بعد ما كنا سوا تستحي مني
هي السنين غيرت فحواك
عملت سور يمنعك ويمنعني

براءة الأطفال إزاي تدوم
تكبر القلوب من غير هموم
فيه شئ جوانا ليوم معلوم
نبوح لبعض بسر كان مكتوم

تبدأ الناس تحسب خطاويننا
تبان علينا رعشه فى ايدينا
بذرة حب كبرت نبتت فىنا
غدر الزمان بان وهو ناسينا

الطفلة بقت عروسه بضافير
بستان فواكه وأنا الحاير
بقى كل شئ ممنوع وقلبى
معاه يهفهف حواليه طاير

لمحه منك النوم راح منى
و قلبنى بقى معاك سارح
حسنك فتاك يالى ظالمنى
رمشك الساهى كان جارح

بعث لك سؤال رد طمنى
النوم ما جانى من إمبراح
أنت فى كيانى وحته منى
عاشق ولفن الغرام شارح

حكيت اللى جوايا وبصارح
سألت عنى الكل كان مادح
قالت لى قلبنى بالحنان مانح
يا للى نبضي معك سارح

الحبيب ودلاله

كتبت كلام ؛ له معانى!
مش ح يتغير لو أعانى!
حبيبة قلبى ملو عانى
أريدها وهيه تهوانى

تحن ف يوم تلقانى
بقول الشعر ف أعانى
تبعد وتتقل من تانى
وتفكر إنها تنسانى !

أبعد واهجر بثنوانى
تيجى قوام مصالحنى
أنا حاسدنى جيرانى
بجوف ليل أقوم تانى!

أنادى عليها يا وحشانى
بيتها بعيد و سمعانى
كيانها داب ف وجدانى
واعشق روحها تهوانى

قالت خلصت عفش الدار؟
فرحت وقولت: يا نجار
هات الخشبه هات المنشار
أنا جويّا، مولع نـار!

ويلا وقصر المشـوار
ونسـمع طـيل، مع مزمار
و يفرح مرّه أهل الدار
ونعلق الزينه والأنـوار

أنا الحاكي

يا ناس أنا للتاريخ حاكي
ولا عمرى بقلد ولا بحاكي
ما أنا الضاحك وأنا الباكي
وانا اللي بوست يوم فاكي

لما غطاني قميصك الكاكي
و يضيق الحال مانيش شاكي
بحب ترابك ونيلك وسماكي
حببتي والرب ألي سماكي

في القلب وعمرى ما أنساكي
ع الحدود حامى وفى حماكى
ودمى لو سال ما هو فداكى
أنا روحى دايبه فى هواكى

و ليه و ازاي أكون شاكى؟!
قبل الشهيد ما يروح وصاكي
قدامك عدو أخس منه جواكى
و بياكل فى خيرك وهاجاكى

وأبئك البر بروحه يرعاك
إسقيه بشهدك ضميه جواك
لا يخون عهدك ولا هواك
حتى ولو بات م الجوع باك

إنساني يا أناني

سنين أهواك وتهواني
معاك كان أجمل أيامي
حبيبتك داخل وجداني
كان حبي وعاش احلامي

مجاش ببالى ح تنساني
دا كنت منايا و أحلامي
وانا ياما رويتك بحناني
وسافرت و نسيت ايامي

و مسحت نوتة ألحاني
لما ظهرت وحده مكاني
جه ببالك ؛ تهدم بنياني
تنساني، وتنسى أيامي

فمَرَك انت تهز كياني
وأقول: نصيبي آه ياني!!
و دمع يسيل مع أشجاني
تضيع سنيني وأعاني

فاكر حد يملئ مكانى؟!
لا وحياتك راجع تانى
وتقولى أفلام وأغانى
نادم، قوليلى: مسمحانى

وانت ساكنه بوجدانى
روحي كمان مخاصمانى
الشوق وبعدك بكانى
أى كلام ما لو معانى

ورجعت تغنى من تانى
كلام وفاكره، إنسانى
بتحب نفسك يا أنانى
فاكرنى ح ارجعك، تانى

تفتكر، ح افضل بمكانى؟
وشباب و كثير و قدامى
منهم واحد جد وجانى
قال لى: وحياتك عاجباتى!

أمتى تقولى: ريدانى
أجيب مأذونى ف ثوانى
شقه وجاهزه آدى عنوانى
والعفش جاهز(أسبانى)

شهر العسل فى ميامى
سيارتى أهيه قدامى
آخذك وأطير، آه، يانى!
يا أحلى هديه ف زمانى

ومعالى أعزف ألحانى
على أنغام الرحبانى
وتغنى أصاله و نانى
و يبقى زمانى أحيانى!

أصل أنت طبعك أنانى
نسيتهك روح وانسانى
أنا هاخذ حد بيهوانى
صُبرُ سنين يستنانى

شبكة وجبها عاجبانى
والطبع عنده إنسانى
أهلى وصحبى وجيرانى
وانت مغزوم فى ميامى

حبيبتى يا مصر

مصر يا أمى يا غالية الرب سماكى
حاولوا كثير يغدروا و الرب نجاكى
وقت الخطر يا حبيبتى كلنا فداكى
قولى ياروحى مين هو اللى بكاكى

قَالَتْ: بكيت عَلَى ابْنِى صَبَحَ شَاكِى
ابْنُكَ شَرِبَ مِنْ نَيْلِكَ مَشَ حَ يَنْسَاكِ
حَتَّى لَوْ ضَاقَ بَيْهُ مَشَ نَاسِى يَهُوَاكِ
حَطَّكَ، جَوَّهَ الْعَيُونَ وَبَرَمَشَهُ غَطَّاكِ

إِنْ شِلَّةً، فَاسِدَهُ عَكَرَتْ صَفُوكَ وَسَمَاكِ
وَنَهَبَ خَيْرِكَ وَرَاحَ الْخَارِجَ وَهَاجَاكِ
إِبْنُكَ الشَّرِيفَ بِرُوحِهِ وَدَمَهُ هُوَ قَوَاكِ
وَدَا مُسْتَحِيلَ يَسْتَمَعُ لِيهِمْ وَيَعْصَاكِ

يا شايلا هم ، العرب ، والكل زكاك
وحياة نيلك لنحارب الفساد ونرعاك
ويروق الحال وتسقيننا شهد من فاك
منصورة بلد الخير والنعيم برباك

جنتی قربہ

حیاتی بغیابہ مش حیاہ
قلبی قالها ما لیش سواه
دنیتی جنہ و نعیمی معاه
وجویا نار من غیر رؤیاه

ما انا کل لحظہ باسـتـناہ
یجینی بطیفہ أدوب ویـاہ
عاشق الروح و دویہا معاه
ازای لو ثانیہ أنا أنسـاہ

دلوقت عایش بالذکریات
أحلم واعد کل الی فات
ویمکن أقدر أنسی الأہات
وہوہ بکرہ جای ولاّ فات

أصل أنا بحب بكل اللغات
حفظت معہ نجوم السموات
وبدعی لہ ف قلب الصلوات
یرجع حبه وننسی الی فات

يميل عليا وأنا روحى فيه
وهو حبيبى وانا كللى ليه
ما انا عارفه عايز منى آيه
شوقه لحضنى يسمّى عليه

يادنيا ليه انت معندانى
خدنى جوا عينيه من تانى
يعيش جوايا أيام وليالى
وأنا جواه العمر الغالى

إبعد

أنت قلبي و رُوحى عِنْدَكَ
أمتى تتنازل عن عِنْدِكَ
أيامى داقت المر ببعْدِكَ
عيونى دبّلت بطول هجرِكَ

دلوقت بتهرب من وعدِكَ
ح تبعد عني تلاقى وعدِكَ
فُكرِكَ إني ح أموت بعدِكَ
لا يغدار طـول بعدِكَ

قلبي ح ينسى أنه قابلك
مع إنه ما حب يوم قبلك
طاب من مرض اسمه حبك
مع غيري ما تلاقى سعدك

مش ح قول حكايات غدرِكَ
أنا قلبي أصلا مش فُكرِكَ
وعرفوا الناس خسة عملِكَ
بقى كلي من جوايا كرهِكَ

أمة في غمه

قلبي سفينه بلاد العرب أوطانى
عجبي أخويا علا الجانى ووطانى
وقلبي معصور ألم من طفل قتلوه
كان بيشقق الأرض ويروى غيطانى

*

حزين على جسمي بيتقطع تحت يانى
نسينا قوتنا بلم الشمل يا جـيرانى
فتنه وسموا شيعى وسنى وإسلامى
الدين واحد ورب واحد مالوش تانى

*

يا حسره علينا مننا المجنى والجانى
باعوا لأخويا سلاح ورا ظهره إدانى
وسبنا نقتل بعض رجع قابيل تانى
عدو ياخذ خيرنا و تركنا بنعانى

*

لما خاف على الكرسي راح جارى
فى حضن الأمريكان بخسه وآذانى
أبكى على شمال ولاجنوب سودانى
اليمن السعيد مغرقنى فى أحزانى

*

بعد العراق ما وقع طعننى أردانى
ليبيا متقسمين حكومى واسلامى
عينى ع الشام مسرح بأوطانى
حرب و بالوكالة أخويا عادانى

*

يسلح النصره جاته حصره بكانى
بيضيع الحق عصب عنيا وغمانى
تركى خسيس بيظعن ف أرحامى
فوقى يا أمة العرب إتوحدى تانى

الزهور ألوان

أدخل بستان الحياه واحكى يا غاوى
بستان الزهور كل زهره لها امانى
حاول يقطفها ياما غنى ليها اغانى
واقفه بتضحك تقول ولا على بالى
*

زهره جميله راحت بأحضان الهوى
قلبها بنار العشق داب فيه وانكوى
لما هجر قالت ليه بدى نكمل سوا
أتارى حبيب القلب شبع وارتوى
*

زهره قالت انت للهوى عطشان
معايا تشوف الهنا والحنان الوان
صاحبنا عام ببجر خيال فرحان
غرق بنهر غرام وطلع عطشان
*

قابلت زهره و خايف الأشواك
قلبى راح لقلبها و قال أنا بهواك
قالت من زمان أنا قلبي بيستناك
عقلى رافض قال طريقها هلاك

دى ياما نصبت للعاشقين شباك
يتنقل قلبها بالهوى ابعـد رحـمـاك
و ياما أنتحر على أعتابها أفلاك
بحر عنها يغرق ولمسها أشواك

عيون الليل

شفتك بعيون الليل قمرى
وبعلم الأرواح إنت عمرى
فى اللوح أكيد أنت قدرى
وهدية الزمان بعد صبرى
*

أنت ببحر الغرام موانى
ولروحى السباحة أمانى
موج بعينيك إليك ودانى
ياربيع مس زهر بستانى
*

نهر حنان يجرى على طول
يروينى رحيقك المعسول
وياك بكواكب بجمال بسهول
وفرحة دنيتى عليها مسنول

*

خذنى بالحب بكهف بمغار
او عى تخلىنى بلحظه أغار
حنائى ينقلب عليك بدمار
ألم الغدر زى حطب مع نار

شهد الرضاب

ليه يا قمر الليل نسيت ليلي
وقبل ما تزعل كنت ناديلي
كنت أحكيك وكنت تحكي لي
وأفرشك بالأرض مناديلي
*

يا ما جريت جوا شراييني
وخذتني فوق السحاب عيني
قسوة الأيام كانت بتكويني
كنت تدوب الأحزان تنسيني
*

ما بين الضلوع كنت تداويني
غير شهد رضابك ما يرويني
عطشان أنهار الكون ما تكفيني
بشوف بعينيك وتركتها عيني
*

مسحت دمعى ليه تانى تبكي
إفتكر أيه كان بينك وكان بيني
زهرة أنا غصنها أنت تحميني
و بعز شرد القلب كنت تندينني

تعالى تانى نور ظلام لىلى
ليه تجيب الغم أنت وسنينى
حبك مرض حلفتك ما تشفينى
مدفون جوايا وهو بيحيينى

إرهابي

قاتل أولادى شخص خسيس وجبان
باع ضميره بقى لعبه بإيد شيطان
خساره فيك أنى أقول: عليك إنسان
سَفِيه بالدينا، و ملعون في الأديان

فاكر تشعل فتنه بمصر بين أديان
أنت عميل للى منهم موشى ديان
غبى وجاهل واللى وراك خبلان
إحنا نسيج واحد داخل الأوطان

أنت و اللى معك فكرهم خسـران
عمل خسيس ما يهز ثوابت الأركان
ضحكوا عليك وغيبوا عقلك كمان
أنت بجهنم و الشهداء بنعيم وجنان

نظره

بان مكان الخليه مين نَحَاكَ
عسل نوار قولى كيف حَاكَ
ترحه طارت تحتها ليل حَاكَ
الهوى سلطك وعلى انا حَاكَ
*

فرح يعدى شفت جمال فالك
يعنى أقول عقبالى وعقبالك
نظره بين رمشين بدأ موالك
بالكبد سهم و لا انشغل بالك
*

عجبنى فيك الطبع وجمالك
ما شغل بالى قد إيه مالك
كل املى انى اريح انا بالك
مُهره اصيله انا بس خيالك
*

بلاش تزودى التقل و دلالك
دمى إهدريه ملكك و حلالك
وإن حافظتى عليه يحلالك
كتاب مفتوح وخليه جرنالك

*

مقفول بقالوا سنين أهوجالك
أنفتح ما انفتح قبل لأمثالك
من كلامك عرفت مين خالك
كمان عرفت انى على بالك

هواك جوايا

بناديك خليك يا حبيبي
البعد عنك جرح عيني
دمع سال نار بتكويني
هواك مكنوني بتكويني

شوفتك وانت شوفتيني
معها أيوه يا نور عيني
خليكي واثقة بضميري
دا هواكى هوه بيحميني

و احلف بشفاه أهواها
تهواني وما لي سواها
و سألني مين باهواها
أنا نجم بمحيط سماها

شفافك دقت رحيقها
أتعطرت روعي بعطرها
أتجملت روعي بجمالها
إزاي أنسى أنا طعمها

من عطر فمك أنتشيت
عرفتك عن البنات تبّت
أحمد الله أنى إليك اهتديت
وبين رحيق شفايفك دبّت

نداء سيناء

سيناء تقول: تركوني رمال
تعبت ياناس من الحرمان!
إهمال زايد وراء أهـمال
وتعودتوا على الهجران؟!

مُرّة الوِحدة ما فى أمان
فين الزحمة فين السكان
روح الشهيد مش بتتام
بتقول إزرعوا البستان

الطبيب ما داوى الجرح
أزرع صدري أحلى قمح
وأجنى سعادته معاها فرح
تعب قلبى وطال الشرح

نفسى أشوفكم من زمان
أرشف العطر مع الريحان
وها تولى عريس قادر
ويطوف هنا بكل مكان

يبنى بعزم على صدرى
مصنع جنبه عماره لابنى
عَمَرُ يا حبيبي وابنى
رجع لى جمالى و عمرى

لو شوفت التراب عندى
إصنع منه زجاج الوان
جبال عاليه على جسمى
شقه هيبقى رخام يا فنان

عطشانه و فين الترعه
قولتوا لى: عليها زمان
إزاي نسينونى بالمره ؟!
يا قلوب حجر صوان!

عدوى وعدوكم شيطان
و بيكم أعيش فى أمان
إن غبتوا حبايبي عنى!
قلبي يعيش في حرمان

بنات الحور

أصبر عليا كمان شويه
هاقول حاجات
حجات جميله هتبقى أجمل
من اللي فات
فيها خيال فوق الاحتمال
من غير آهات
جبل وعاشق وغيمه حبلى
بتهدى القبلات
روحي تسبح ف بحور حروف
تلضم كلمات
كلمات رقيقه اخت كلمات
شاديه ونجاة
ويمكن اكتب شعر وغنوه
للأمهات
بحكى حكايه كانت لطيفه
فيها البنات
واقفين طبور بنات الحور
ما حد غات
سهرت تايه جوايا عاشق
الحسناوات
جابوا لي راح وكان معتق
صبوا كاسات

قطفت ورده من خد حور
تُهِت ساعات
بحديقَه جَنه فيها قعدنا
النسمه جات
واللؤلؤ بان و بحور حنان
شهد وفرات
احساس جميل بفرش منديل
بين الهضبات
نجرى ونلعب و لما نتعب
لحظات سكات
نقوم من تانى جوانا أمانى
نحضن نجمات
سمعت صوت بيقول ميعاد
الشغل فات
اتريها زغده كانت قويه
من ام البنات
قمت أجرى دا يوم جمعه
والحلم مات

الأخلاق فين

فين الشهامه يا مصارع
انت ابن النيل يا أسمر
بنت وماشيه بالشارع
أفرض ماشيه تتبختر

كان توب وشفاف شويه
وفستانها كدا مخنصر
بتحلى روحها ترضيه
حطت بخدها أحمر

دا يدملك الحق وتدوس
بلا رحمه شئ أخضر
فى الشارع عاوز تبوس
ياراجل عيب واتحضر

بص للحيوان بيحضر
يا خد وليفته ويتستر
يا خساره صاحب العقل
وغاب عقلك ما بتفكر

فِيكَ الْغَدْرُ كَمَا الْعَقْرَبُ
بَقِيَتْ لِلْحَيَوَانَاتِ أَقْرَبُ
مَنْبُودٌ وَزَى كَلْبٌ أَجْرَبُ
إِزَايَ مِنْ رَبَّنَا هَتَّهْرَبُ

الدوامه

إن بعدت يوم عن حلمك
وبعت الصمت للي ظلمك
ورضيت تتوقع مع غمك
ما تلوم على حد إلا نفسك

ترقد تشكى طعنه بظهرك
ولف مُناققين من حولك
حكموا عليك وخاب ظنك
جهل منهم تركوا علمك

وحاولت تفهم و تقول
بغيا ب أصحاب العقول
عن الجهل مين مسئول
وقفوا قدام كل الحلول

حاسس بإهانه ومظلوم
وتهت بأوهام وظنون
ولا بان رأى محسوم
أنا زيك كمان محزون

إن قالوا عليك مجنون
أتركها بقى لرب الكون
عند الله اليوم معلوم
ييجى الحق لل مظلوم

ز علت من حد مطباتى
وواحد شبهه مطيباتى
القوى دائما حواليه
ناس شغلته مبرراتى

تُهتُ ووخدانى الدوامه
والنفس عارفها لوامه
ولا لاقى أمامى علامه
ولا لاقى راشد فهمامه

أسكت وإعمل معروف
ولا تسمع كلمه لخروف
فى الآخر يطلع فنكوش
ياما نسمع ياما نشوف

فاكر إن كلامى موزون
أو قاموس لحدود الكون
أنا قلت خدتنى دوامه
عندي مشاكل يا علامه

ليه تزعل منى يا سلامه
وأنا عيني عليها غمامه
تايه فى قلب الدوامه
أنا ماشي وموطى الهامه

حلم جديد

نفسى أشوف بكره جديد
والقلب فى الهنا وسعيد
أفراح من غير مواعيد
انسى أه أنسى التتهيد

والدنيا زى ما بنريد
لا ثانيه حبيبي ينساني
ولا يهجر ويروح لبعيد
قال أقابلك يقابلني أكيد

عمره ما يخلف المواعيد
زمان يحكم فينا نبعد
ساعه فى قربه هي العيد
حبنا أصلا حب فـريد

جوانا حب غريب وجديد
يعنى دنيا كأنها جنـه
حبه بقلبي دا حب شديد
خالى من أه أو تنهيد

تمر أيا منا الحب يزيد
أما اللام زى الحاسد
أبعد عنا لتبقى شريد
حبنا ثابت راسى أكيد

طيبة قلبي أوعى تغرك
لما أعدى ببقى عنيد
حبنا أكبر من أو هامك
هي همسه تروح بحديد

حبنا صادق مش أناشيد
أو أسطوانه تلف تكرر
يا طالب أنا فيها معيد
الأخلاص صافى متكرر

دا هو أنا ضد التبتيد
حب الناس كلها تهواه
كنت بروح وياه لبعيد
عند جزيره جوه قمره

نحلم حلم جميل وجديد
تحت النخله نقسم تمره
بلبل ييجى يغنى نشيد
وأنا قلبي مرتاح وسعيد

شهد الدنيا تصبه علينا
ونعيش قصة حب عتيد
النسمة جابت أحلامنا
ترحه وفرحه والزغاريد

المشتاق

رنيت جرس و سمعت صوتها الحانى
مين اللى دق الباب قلت أنا، وبعانى
من شدة الشوق اتريها سمعانى
فتحت وقالت برقه أنت جيت تانى

قلت مشتاق لبسمه إنت مسمحانى
قالت أدخل هنا قلبى روحك بتهوانى
أنا لما شفتك السعد لحد هنا جانى
من عينيا بان قلبى عليك حانى

العين شافت كتير عربى وألمانى
ما دق قلبى لحد و لا حد سالانى
هواك بقلبى من زمان مع أيمانى
عندى يقين قلبك عمره ما ينسانى

أيامي في بعدك

نفسي أنسى كل اللي فات
حزن ودموع مع الآهات
وأشيل من قلبي ذكريات
الشوق فيها بالقلب مات

نمت ليالي دمع على خدي
الفرح فيها عندي ما يهدي
الدنيا حالقه على عندي
أيام كنيبة ما بتعدي

راحت أيام عهد الهوى
لما قسمنا اللقمة سوا
ولا دقنا يوم طعم الجوى
ليه افترقنا وأيه جرى

الغدر دايم سكين يدبح
والقلب فيه الألم ينبح
أحاساس مرير لمين أشرح
هو بقلب الألم فيه يفرح

سافر بيوم ما له صباح
وفات القلب مليون جراح
معها مال فأكرح يرتاح
شرب الذل وبقي نواح

راجع ب يقول لي سماح
ح ا رسم جوا كي أفراح
ننسى كمان اللي راح
فجر الأمل بـان ولاح

الفجر أنت خليته ظلام
أني ارجع لذلك أو هام
أيامي في بعدك تمام
لقيت نفسي ف الخصام

شباب اصيل

بلدى يا غاليه أنا فى عرضك
ليه الجحود كتر زاد فى أرضك
وفيه نهب خيرك وبعدها سبك
داسوا بقسوه على الفقير عندك

ليه بتقسى على ولد وبيحبك
بيكسر الصخر طالب قُربك
ضاق به الحال حرمته شهدك
وبقوته إنت ح ترجعى مجدك

شباب اصيل وجاى من صلبك
بالحدود واقف صاين عرضك
أخوه كمان دمه حُضن رمالك
فدا ترابك بدمه هام فى حُبك

وزعى بعدل يا أمى من فضلك
ولا أنت زعلانه و فاض صبرك
من اللى نهب خيرك و ما شكرك
شبابك الحلو بقوته دفع مهرك

شلال الحب

شلال الحب يتدفق
بحر حنان يترقرق
عشق بقلبي يتعمق
ليه لأنه الأصدق

أنا بحنان بهواها
سهم منها بالضلوع
داب هويا بهوها
انفجر بقلبي ينبوع

بحر حنان لا ينضب
قلبي سكر ولم يشرب
ومن السهم لم يهرب
هواها لقلبي الأقرب

ضمته ضمه بحنان
داب قلبي الموجوع
المهموم في الأحزان
جرى وولع الشموع

بدر منور مش هلال
كان الفرح له ممنوع
وفجأه الحب انهال
يروى الربى والتلال

القلب للقلب و مال
غنى الشعر فى موال
حبك راسى كالجبال
مش ح أنساه ومحال

صيام رمضان

يارب أهدينا للخيرات
قويها نقيم الصلوات
شهر عباده به نفحات
والرب فاتح السموات

اللواة تمشي بدروب
أغفر لنا كثير ذنوب
تقبل منا الدعوات
أدخلنا يا رب الجنات

من غيرك يغفر الذنوب
وعالم بالي في القلوب
يا رب زيل عنا العيوب
بشفاعة رسول محبوب

كرمك لا حد ولا حدود
يا خالق وحدك الوجود
رمضان الشهر المشهود
نصوم ونصدق ونجود

شهر الرحمه يا عبود
الشياطين عليهن قيود
بيحاسب عليه الرحمن
كثر فيه من الاحسان

الخير يبقى لك عنوان
فرض عليك يا انسان
فرضه علينا الرحمن
أسعى تنول الاحسان

شهر كريم فيه الغفران
تدخل من باب الريان
تقبل منا يا احسان
يا خالق كل الاكوان

غدار

يخمد النار ويشعلها الحبيب
والبعد يشعل لهيب القلوب
الحبيب لو من قلبي قريب
تهدى النار و القلب يطيب

قاتل الحب بالكبر والعناد
عذابه بالعشق من رب العباد
يشرب كووس عذاب معتاد
و يندم بعد رحيل الجياد

يتحسر على جفاف الربى
بعد ما ضاع منه الصبى
يحن لعشق زمانه وأنتهى
تاه و دور عليه ما اهتدى

جفت أيامه و العمر خريف
وقلبي معه رقيق ولطيف
سابني وأنا محتاج وضعيف
مسحته من قلبي بقى نظيف

قلب مشتاق

الورد جالك زاد في الحسن
أحمر من حمرة في محياك
أصل قلبي ليك زاي غصن
ينتعش و يرضى برضاك

بعت نبضي مشتاق لهواك
طالب يدوب في شـفـفـتـاك
مش قادر يعيش عيشه هنيه
و الزمان بيعز عليه لـقـيـاك

ألم فى البعد والقرب سهام
رمتها عينيك عشقت عيناك
كتمتها فى كبدى و السلام
تعالى لقلبي عشان يـرـعـاك

غرقني حنانك زاد شوقي
دراـعـك يحضن بـحـنـان دراـعـي
أحلامك هي أـمـلـي وأحلامي
بين أحضانك تطيب جراحي

حدوتة مرض

سألوني هو إنت عندك إيه
قالولي برد وأدوني دوى ليه
تانى يوم بقى امسك وعليه
الإثنى عشر تعبان وراعيه

صاحبى حبيبي جميل الحرف
معلم أسمه صالح و سباك
تعبنى قوى جهاز الصرف
ببقى عايز انط من الشباك

واحد تانى بيعزم وبلطف
خدلك صاروخ وانت ترتاح
يا أخى انا مليش فى الصنف
ما تجبلى احسن كيلو تفاح

قلت اهتم وجيب ربع فراخ
يمكن احس ان الألم راح
بطنى بقى جواها منفاخ
قلبي أتعسر أرحمني يا فتاح

جبت دوي يسلك المجارى
عملي إسهال فيه أغوص
قلت أنقصه وأشوف حالي
حجر ببطني كنت ح لوص

اللي عندي مش معروف
سمعت قلبي مات م الخوف
كان مخنوق والنفس مكروش
بقى إثنى عشر وبكره نشوف

شهرين قالوا محتاج عمليه
خرم وقرحه كمان مستخبيه
لا تأجيل أو تاخير ولا ثانيه
الحمد لله نجحت ومقضىيه

الاده

الإنسانية مطلوبة بجد بزياده
والاحترام يبقي فوق العاده
لو ضعيف عنك يبقي بكفايه
ما فيه من ضعف يا ساداه

*

الدنيا دايمًا للحن ولاده
للصديق اختار ده ولا ده
الصاحب الجدع أتمسك بيه
الخسيس دوس عليه ببياده

*

صديق مربوط معك بلباده
سرك معاه كلامي بإفاده
لو صار عدو يبقي بهواده
يعيب جاب اللعنة لأجداده

*

يكشف سرك رغي وإعاده
ولا يبطل كلام ولو بعياده
الندل دايمًا يعيب ف أسياه
الأصيل بجد رقبته سداداه

أه يا زمان العبيد والسـاده
غنى من ريش النعام له وساده
وعاجز محتاج عكاز أوسناده
حزين وباشرب قهوتى سـاده
*

متعلم و معاه أعلى شهاده
بيدور مش لاقى كالعاده
شغل يجيب غدى أو زواده
غلب وقال أشتغل بالحداده
*

لقي شغل مع زميله عباده
يسجل اللي جايه في ولاده
شغل حد يفك الخط عيني
عباده أبوه صاحب العياده
*

قال أحسن لى أسوق لاده
زاملوا شافوه قالوا إلا ده
داخ ووقع جابولوا مداده
دماغه نار حطوله كماده
*

سمع الست وحليم ومياده
و قال يا دنيا خلـيك وداده
أنا حر أصيل صلب وقـياده
قام بعزمه علي المرض أباده

فن الواو

صاحبي

خُلي اللي يبيبعك بيعه
و اللي ينسى الوعود
ليه اللي تقوله تعيده
هو اللي مات بيعود

الخل

هلت الصحبة والقلب مسرور
وأحلى صحاب والخل جات
الجدع مش بحسيرة أو قصور
الأصيل نبيع عليه الخلاجات

الحق

خليك قليل الكلام
وقول الحق في وشه
لا تنشغل بالمالام
ولا تداهن وتغشه

ليه

ليه طبعه هادي وحليم
والحق له عنوان ودليل
طيب وبالأخلاق كريم
قاولوا خائب وعويل

إحساس

حبيبي حافي مشيت له
إحساسه بقلبي وصلّى
يسعدني ورد مشاتله
من بعده يا ما حصلي

السلف

أوعاك تسلف حُمارك
يبقى غيرك عليه رَاكب
تستحي ويزيد حُمارك
فيه ريح تغرق مراكب

عند

يا حبيبي أبعت سلام
وعدى دا باين كَدي
طبعك شديد يا سلام
لكن بالعند مش أدي

عصا

عجوز وماسكة عصاها
ولا حد ب يقول أساعدك
ولد من أولادها عصاها
الأولى بيه كان يساعدك

عتاب

يا جميل ومحنى كعابك
والقلوب عليك بتميل
بسمه منك أدق أعتابك
ومشيك أنا ميت ميل

الزكاة

الرحمة فين يا مؤمنين
الفقير ليه مش لاقى
الزكاة حق بيه مؤمنين
كله ح يزول إلا الباقي

فن

واقف برصيف نمره خمسه
قالوا لي شفت باب الحديد
سرحت في الماضي خمسه
محتاجين فريد شوقي جديد

محال

تعالى ننسي الأحزان
أعيش بحضنك خيال
سأبح وأنا الولـهـان
واعبر حدود المحال

زهرة

ليه ما جاش بـكره
كان نفسي أعيد عليه
أحط في يديه زهرة
غريق بسحر عينيه

قصة

الـبـنـت رسمه القصة
على حاجب سيفه حاد
كياني اتلخبط ببصة
أرحم وقول الميعاد

مهرة

مهرة وبتجر خيطي
وأنا ف العشق موال
المنجة جـوه غيطي
خشي أنا الخـيـال

مداوي

عاشق وعلى الهجر مش ناوي
غزالي قالي بحبك أنا موت
قلت أنا مجروح خليك مداوي
ضمني لحضنك قبل ما أموت

حبوب

أبكي أنا على حالي
لاقي الهرم مقتوب
الواطي بقي عالي
وقالوا عليه حبوب

إنسانية

أفردي علينا الشمسية
وتعالى ع الشط نمشي
صداقه في الإنسانية
أضلل عليك برمشي

أسرار

جتلك أرمي همومي يا بحر
واخبي بين أمواجك أسراري
حافظ عليهم في البرد والحر
و أوعي تبوح له بأخباري

حظ

يا جبل المرمر الأبيض
أرحم حظي الأسود
تعبت وشعري أبيض
قلبك لي بقي أسود

بسمه

طاب الثمر على الشجر
و أنا واقف بعيد مستني
يرمى بسمه لو هواه أمر
عامل فيها مشغول عنى

حرارة

الطبع لو كان جميل
تحس طعم الحرارة
وأدام أبوها أصيل
ما تحس يوم بمرارة

البال

عايب وعمل جريمة
خنقه وبالي طويل
لو روعي زيه غشيمة
أبح وقول مواويل

العويل

نفسى أتولد أيام الخيمة
اركب ظهر مهر أصيل
أعامل الناس بنية سليمة
تعبت موت من كل عويل

22

مكر النسا قرص عناكب
وقدامك ينوروا الدروب
الحق ماشي، الباطل راكب
العدل ف المحيط مسكوب

23

اللي أتغطي بالنسا عريان
و اللي يسلم يا ضلام ليله
يا ما شبعهم وهو جوعان
لكن تاه في رضاهم دليله

24

سهم الغريب برضانا تاه
سهم القريب أصاب البدن
رشق بمهجة القلب أذاه
عارف خبايانا لبد كالعفن

25

لولا الرسول ما كان النور
ولا عابد صام ولا صلى
اللي اهتدى بهدية مسرور
واللي عصاه بالنار يتقلّى

26

حسرة يا شاهد الزور
يوم القيامة يا حزين
وشك ممنوع م النور
ولا ح ينفعك فدادين

27

ترفع سلاحك يا قاتل
دا أخوك فين الأرحام
يا ما زرع ليك مشاتل
نَغز الشيطان أو هام

28

فين الحبيب اللي حنانه وافي
وأسمه جوا الفؤاد مكتوب
وحضن قلبه الجميل دافي
ونبع مودة والعسل مسكوب

29

لا شطاره ولا بوعيك
كله في الكتاب مكتوب
ولا جري ولا بسعيك
ربك فتحك الدروب

30

يا قلبي تعبت من الدون
جميلك رد عليه بوقاحة
لو عاشرتة تبقى مجنون
لو تعاتبه يرده بأباحة

حرية

باتت تلح بالربيع زهرة
تتفتح في حضن النسيم
تعشقها الحرية وحررة
ناليت عشق فرع وسيم

الرحمة

يوم ما تحس أنك مخنوق
وكل طريق تمشييه مسدود
ليه تشكي همك للمخلوق
دا رحمة الرب مالها حدود

سداسيات

جمال و فستان

فستانك أحلو بجمالك
و غار الورد من عودك
قلبي سأل كيف حالك
وشفايفي سألت خدودك
فؤادي مال راح جالك
تعالى و وفى بوعودك

هيمنان ورا هب

عهدت الليل أعيش سهران
قلبي عليل يشفى بوجودك
يا غايب عنى وأنا حيران
ح يرقص قلبي يوم عودك
في بعدك كنت أنا هيمنان
عائش راهب على حدودك

ابن النيل

يا بلدي أنا من العاشقين
ما أنا ابن النيل الأسمر
تراب ونيل طرح بساتين
عنب على تين تفاح أحمر
ما بعرف ليه بقينا تايهين
و نستورد زيتون أسمر

عمر ضايح

قلبي وأنا وياك فرحان
السعد دخل جواه غمره
فؤادي قال: أنت إنسان
كان ضايح لقي عمره
نسى توهان مع سرحان
عشان الحب قال أمره

ورد مندى

عدى و ابعت سلام لحبيبك
يا حته من الرنتين عندي
حبيبي الشوق أكيد ح يجيبك
أنا حاسس بيك لما بتهدى
بص لعنيا دا أنا نصـيبك
فرشت قلبي بورد ومـتندى

جهاد النفس

بجهلي زادت ذنوبي
وبالهُوى القلب مال
ليه في اللهُو بتدوبي
ذنوبي صارت جبال
الحقي يا نفس توبي
قبل ميعاد الترحال

اسأل القمر

بالحب عديت بحر موجه عنيد
و غزلت لك شعاع القمر فستان
أسأل النجوم و القمر حبي أكيد
قطفت لك أجمل زهره بالبستان
الوجد زاد محروم من المواعيد
ارجع يا حبيبي قلبي لك عنوان
*

الحياة حلوه

عيوني من عيونك قـربت
لقيت روعي بالهوى دابت
في الهوى روعي ما جربت
من أول نظره روعي سابت
الحياة حلوه بعيوني وترطبت
وحيرة قلبي كـمان غابت

رباعيات متفرقة

عامية وجميله
نرويها تروينا
تحقق أمانينا
تسعد ليالينا

سلم

أنا طير ح بعت سلام
طعمه لذيق أحلى كلام
سلام نبضة القلب أحلام
كلها رقه ومحبة و هيام

العيد

هجرت قلبي بدون مواعيد
الفكر بقي مكسور و قعيد
سألت قالوا سافر لبعيد
يمكن يرجع ويعود العيد

أنت الإلهام

الليل يا حبيبي أنت له قمره
أشعاري إلهامك ودا ثمره
أتمنى لقلبك يطول عمره
وتقولي الفرح جواه غمره

سلام

كل من مر و قال السلام أبدع
مرورك مرور العطر وأروع
أشوف في العيون نبضكم واسمع
قلبي يطرح للغير وعندكم يجمع

عيونك

إيه جرى لما عيونك من عيوني قربت
نظرة شوق عينيك وصلت القلب أثرت
داب من الشوق قلبي وروحي أتحيّرت
ولما غرقت بهواك نظرتك ليه أتغيرت

عيب

عامل قريب منى و تعمل حاجات خبيّه
ولو في غنى عنى يبقى الغلط عيبه
دنيا غدارة ما تسوى فردة القديمة
عيش كريم وخلق نيتك للناس سليمة

سمك

يا ما جَرَى خلف الجدران
سمك بلا بحر أكله الحيتان
الكبير يأكل الصغير عادى
يا ويله بالآخرة من الرحمن

نجوم الظهر

العين بالعين خلي رمشك يناديه
لو حسيتي إنه مال ما تسألني فيه
تبقى نجوم الظهر شيفها بعينيه
لما يسأل قولي قلبي كدبت عليه

أعمل إيه

أنا الهاوي ليه التعقيد
ولا غاوي أروح لبعيد
وسايب لك حلاوة العيد
أهات روعي غير التنهيد

فنله 2

يبكى فنلة وقعت من الحبال
وجا يصرخ فسألوه قال
لو أنا بداخلها لمت فى الحال
يا عيني يا جحا عليك أقوال

العرافة

وجبت منها الأثر ورحت لعرافه
قالت لي معمول عمل ملفوف بلفافه
اللى يفكه بالصين أركب له نفائنه
قلت مش هسأل و دى كلها خرافه

*

البعد

مسيرها ترجع لقلبي وروحي شفافه
ورحت ليها فى يوم ما همنى مسافه
قالت أنا استنيتك و لدمعى جبت نشافه
مبلوله مانشفت البعد كان مننا هيافه

فرحه

أواجه و يفعل الله ما يريد
مش ها خاف من افكار معفنه
وبكره جاى اكيد ومش بعيد
يجيب لنا معاه الترحه ملونه

القطه

القطه المشمشية مسكت ديلها شويه
زعلت وجت عليا عضتني من أيديه
ماما ندهت عليا حاسب المره الجايه
ربطت بالشاش أديه إبعد عن الأذيه

الطمع

صدر دجاجة والصدّيقين
عائزين يقسموه مخـتلفين
كان الطمع باين بالعـيينين
خطفها قط سابهـم جوعانين

عذاب

أنا بحار مش لاقـي لي مرسـى
للقلب بعد طول العذاب يرسـى
وفرّح قلبي لـيه حبسـوه بالمنفى
العذاب سكن القلب أزاي أنسى

أرق

أرق أصابني من غرام
لوعة الشوق في الخصام
و جفوني جفت ولا بتنام
هجرني طيفه في الأحلام

وجع

يا قلبي قولت لي بخفه و دلّع
جوا عذاب والحبيب ما سمع
لو بجراءة بوحنـا ولو بالوجع
كنا ارتحنا و فؤادي ما دمع

العين

الجميل فينا العين ب تبوح
اللسان خالي من الوضوح
القلب يتعذب ومش ب يبوح
لولا العين ما كانت جروح

خدك

أسمحي لي اليوم أغازلك
عيون مها يا جمال قدك
ربيع باهي غار من وردك
و نفسي أصبح على خدك

الأمل

الشمس بتبدد الغيوم
ليه تغرق بالهموم
و بالأمل قابل بكره
الحزن مش ح يدوم



ثلاثيات

1

من شهوّر ما جاني بريدك
والزهر مستني بر يدك
غرّك فيا قلبي ب يريـدك

لو ذكرت اللي في التراب نايم
أذكر الحسنات وسبحانه الدائم
في الآخرة تبقى في الهنا عايم

2

قلبي شرب من الصبر سنين
النوم هارب من جفون العين
صدق من قال عاشقين مساكين

3

لو شر المصاييب يضحك
روحي مسرح ضحك
أدخل وموت من الضحك

4

ضاقَت الحلقة والألم طل
فرز شهم وخسيس فيه غل
أقصد كريم العمر ما تنزل

5

يا سايح ببلاد الناس
كل الشمال أبعد عنه
الحق ما حد هرب منه

6

خلي بالك يا بنت يا عيشة
نفسى تحافظي على العيشة
تبقي في قلبي خفيفة ريشة

7

كنا زمان متجمعين لـمه
بيت فيه الخالة والعمة
نرفع المكسور فينا بالضمة

8

عيون الأمل كحلها رباني
أبويا على الأصول رباني
وبطيبة القلب الخير جاني

9

هو الحب موجود ولا أو هام
دقات قلبي أسرع من الأيام
خفت ليكون عشق أو هام

10

الدنيا تحب الولد الجذع
لا يتباهى بمال مهما جمع
و لا يهزه اللي قاله الودع

11

يا ابن آدم أفهم بقى المعنى
ربك بحكمة يفرقنا و يجمعنا
نعصاه و يديننا وهو قادر يجوعنا

12

الحب للدنيا بلا أصول عمى عينك
خد الطمع مال الناس يملئ بيه جيبك
المكتوب مهما تهرب منه ح يصيبك

13

قالت آه لو تشوف جمالي
من التكرار بقى يعانني
المفتحين ليه سبوك قدامي

14

يا رب يا منزل المطر
الضعف في بالي خطر
أرفع عن البشر الخطر

15

ناس على الناس بصاصة
وناس على الحبل رقاصة
ربنا يبتليهم برصاصة

16

عملت من الصبر نول
حزن أيامي غزله يطول
ألمي يحن عليا وأنول

17

عيشتنا بقت كلها الغاز
مواسير يجري فيها الغاز
وكمان لغينا وبور الجاز

18

يا ما وقفنا جنبهم نسند
ولا خدنا جوز ولا مفرد
لو تعبنا يهرب و يشرد

19

من لا حيلة له
الله يدبر له أمره
قوله ولا يبدل قوله

20

النوم هو تقاوي النوم
والكسل يزود الهموم
ليه تبقى ظالم ومظلوم

21

أبن آدم يقول مظلوم
هو ضل عاش محروم
طمع الدنيا ما زال هموم

22

الحمد لله حمدا كثيرا
مسنى الضر وكنت سقيما
برحمة الله ودعائكم شفيانا

23

بان لعيوني من عيونك الطريق
ما كنت لآقي وفي ولا صديق
نورت كياني يا أحن رفيق

24

الشكر لله وتحية لأصدقائي
سؤال و سلوان خفف شقائي
لكم أجمل أمنية ولكم وفائي



السيرة الذاتية



الاسم / عبدالحميد
عبدالرحمن عبدالحميد طير
البر

تاريخ الميلاد / 20 / 3 /
1950

جهة الميلاد / قسم شبين
الكوم

المؤهل / بكالوريوس تجارة
جامعة طنطا 1975م

المهنة / مدير مكتب تأمينات
السيارات شبين الكوم
تأمينات اجتماعية -

بالمعاش

مستشار تحكيم دولي في : منازعات الاستثمار وصياغة العقود
القانونية

الخدمة العسكرية : أدت خدمه كضابط دفعه 38 أ . د . جو
الرياضه : حصلت على المركز الأول على مستوى المحافظة
بطولة مفتوحة في لعبة الملاكمة (البوكس) لعدة سنوات متتاليه
في أوزان مختلفه

الأعمال الأدبية : 3 دواوين فى شعر العامية وهم :1- عاشق
ترباك رقم ايداع /4756 لسنة 2017- بحر الخيال رقم ايداع
/ 4757 / 2017- 3 -الحفيده رقم ايداع 4758 / 2017
أندية الأدب والروابط : عضو عامل برأطة شعراء العامية
المصريه منذ 18 / 2 / 2018

عضو عامل بنادي أدب شبين الكوم

عضو اتحاد كتاب مصر برقم 1181 انتساب

النشر : تم النشر فى عدة مجلات وجرائد منها على سبيل المثال
مجلة التاييمز الدوليه القسم العربى...ملتقى صفوة الكتاب العرب

- مجلة هدير الحروف - مجلة نغمات الحروف الالكترونيه -

رابطة الكتاب العرب - مجموعة ليالى الشام لوالأدب -

جريدة الأضواء الصحفيه - مؤسسة الجبالى الثقافيه جريدة

المستشار السياسى جريدة لآلى أدبية مجلة أمانوحرروف

الالكترونيه - منتدى روائع الشعر والأدب العربى -كروب الاتحاد

الدولى للأدباء والشعراء - مجلة ملوك الحرف الألكترونيه -

منتدى ديوان شعراء العرب -

مجلة انوار وحروف انامل الشعراء - صالون محبى أ / مرفت

جابر- منتدى شلال الأبداع -مجلة كلمة حق -مجلة حديث الهيل

الادبيه -مجلة نبض القلوب الالكترونيه مجلة واحة الحروف

العربيه الادبيه - مجلة مملكة شهر زاد الألكترونيه - مجلة

الرائد الألكترونيه

حصلت على أكثر من 50 شهادة تميز وتكريم ومراكز بمسابقات

مختلفة

عبدالحميد عبدالرحمن طيرالبر



محتوى الكتاب

2	بطاقة الكتاب
3	مقدمة
4	حبيب الروح
7	بحر الخيال
9	أصيل صاحب خسيس
11	حلم صبايا
13	جولة فى زمن
15	موجه خدتنى
17	حياتى هو
19	عتر المكان
21	عاشق ترابك
23	هواه جوايا
25	الحبيب ودلاله
27	أنا الحاكى
29	إنسانى يا أنانى
32	حبيبتى يامصر
33	جنتى قربه
35	إبعد
36	أمه فى غمه
38	الزهور ألوان
40	عيون الليل
41	شهد الرضاب

43	إرهابى
44	نظرة
46	هواك جوايا
48	نداء سيناء
50	بنات الحور
52	الأخلاق فين
54	الدوامة
57	حلم جديد
60	المشتاق
61	أيامى فى بعدك
63	شباب أصيل
64	شلال الحب
66	صيام رمضان
68	غدار
69	قلبى مشتاق
70	حدوته مرض
72	إلا ده
74	فن الواو
83	سداسيات
86	رباعيات متفرقه
92	ثلاثيات
98	السيرة الذاتية
100	محتوى الكتاب

